

元遺山先生全集

附

翁輯年譜

附錄

施輯年譜

道山先生文集



元遺山先生年譜

讀書山房刻本

大興翁方綱正三編

平定張穆廉友訂

金章宗明昌元年庚戌

月 日生

元郝經遺山先生墓銘先生諱好問字裕之太原秀容

人系出拓跋魏故姓元氏

集中自注云余家自五代以後自汝州遷平定宋末又自

平定遷於忻故文字中以平定為鄉郡。方綱按此云宋末謂靖康末也

曾大父春忠顯校

尉隰州團練使大父滋善儒林郎銅山府君贈朝列大

夫父格顯武將軍鳳翔府路第九處正將兼行隴城縣

令騎都尉河南縣開國男食邑三百戶妣河南縣君張

氏

南冠錄引予以始生之七月出繼叔氏隴城府君方綱  
按江都郭氏金詩注云其叔父令陵川時尚未以先生  
爲子誤也

方綱又按金史文藝傳元德明累舉不第放浪山水閒  
飲酒賦詩以自適年四十八卒有東巖集三卷子好問  
最知名此先生本生父所謂東巖府君是也郝經遺山  
先生墓銘云父格顯武將軍鳳翔府路第九處正將兼  
行隴城縣令此先生之繼父所謂隴城府君是也先生  
集中爲第四女配婿祭廟文云敢告於顯伯考贈中順

大夫東巖府君顯伯妣河南郡太君王氏顯考廣威隴  
城府君顯妣河南縣太君張氏極爲分明而郭氏金詩  
乃以東巖隴城爲一人且謂元格字德明直標其東巖  
詩曰元格詩若干首訛也乾隆己酉夏武林王君敞以  
金詩原鋟板屬方綱覆校因爲改正之

南冠錄引先祖銅山府君正隆二年賜出身訖正大之  
末吾家食先朝祿七十餘年矣

二年辛亥

一二歲

三年壬子

三歲

四年癸丑

四歲 南冠錄引予自四歲讀書

五年甲寅

五歲 濟南行記云予兒時從先隴城府君官掖縣嘗過濟南方綱按先生乙未歲濟南雜詩云四十二年彈指過則其隨隴城君至濟南在四五歲時也

六年乙卯

六歲

承安元年丙辰

七歲 能詩有神童之目 墓銘云太原王湯臣稱爲

神童

二年丁巳

八歲 南冠錄引云八歲學作詩

三年戊午

九歲

四年己未

十歲

五年庚申

十一歲 從父官於冀州學士路宣叔賞其俊爽教之

爲文

泰和元年辛酉

十二歲

二年壬戌

十三歲 是年趙秉文遷翰林修撰 十月十日翰林

修撰王庭筠卒年五十二先生於癸丑歲爲作墓碑

三年癸亥

十四歲 中州集郝先生天挺小傳云好問十四歲先

人令陵川時從先生學舉業先生工於詩時命好問屬

和 先生所爲郝先生墓銘云泰和初先人調官中都



某甫成童習舉業先人思所以引而致之者謀諸親舊  
閒皆曰濩澤風土完厚人質直而尙義爲子求師莫此  
州爲宜於是先人乃就陵川令之選時鄉先生郝君方  
教授縣庠某從之學先生教之曰學者貴其有受學之  
器器者何慈與孝也又曰今人學詞賦以速售爲功六  
經百氏分裂補綴外或篇題句讀之不知幸而得之且  
不免爲庸人況一敗塗地者乎先人旣罷官某留事先  
生又二年然後歸

四年甲子

十五歲 通真子墓碣先君子令陵川予始成童 續

夷堅志先人宰陵川泰和甲子元夕縣學燒鐙有以杏  
棣棠折枝爲翦綵花者鐙罷家僮乞之供於縣署佛屋  
中四月上七夜先夫人焚誦次乃見杏棠皆作花真贗  
相間先人會賓示之以爲文字之祥爲賦瑞花詩予年  
始十五矣

五年乙丑

十六歲 中州集小傳兄敏之諱好古年二十就科舉  
時先東巖君已捐館太夫人年在喜懼望其立門戶甚  
切云云据此先生父東巖君歿當在乙丑年 是年赴  
試并州道逢捕雁者云今日獲一雁殺之矣其脫網者

悲鳴不能去竟自投於地而死予因買得之葬之汾水

之上案石爲識號曰雁邱併作雁邱詞

凌廷堪案此事見遺山樂府

六年丙寅

十七歲

七年丁卯

十八歲 天慶觀記云予嬰年先大夫挈之四方十八

乃一歸始聞鄉里談天慶異事每歲二月望有鶴降此

殿多至十數從是予兩見之特亂後鶴乃不至耳 南

冠錄引十八歲先府君教之民政

八年戊辰章宗崩衛王永濟立

十九歲 學於郝天挺六年而業成

衛紹王大安元年己巳

二十歲 兩山行記云先東巖君生平愛鳳山

鳳皇山在雁門

然竟不一到故詩有鳳皇聞說似天壇北去南來馬上  
看想得松聲滿巖谷秋風無際海波寒之句予二十許  
時自燕都試乃與客登南樓亾友蘇莘老闔德潤張九  
成王仲容輩說山中道人所居有松風軒層簷高棟半  
出空際長松滿澗谷如雲幢烟蓋植立闌楯之下山空  
夜寂石上聞墜露聲使人耿耿不寐 一統志繫舟山  
在太原府城東北九十里禹治水繫舟此山故名有石

如環軸曰繫舟鬼元好問父德明讀書其下趙秉文改  
曰讀書山好問詩從此晉陽方志上繫舟山是讀書山  
是年十月趙秉文出爲甯邊州刺史

送秦中諸人引云予年二十許時侍先人官略陽以秋  
試留長安

二年庚午

二十一歲 先生父隴城君卒於官先生扶護歸里  
趙秉文改平定州刺史

三年辛未

二十二歲

是年九月翰林學士承旨党懷英卒年七十八

崇慶元年壬申

二十三歲

是年麻徵君九疇卒年五十

至甯元年癸酉八月胡沙虎弒衛紹王立昇王珣九月以  
後爲宣宗貞祐元年

二十四歲

是年趙秉文轉翰林直學士

二年甲戌五月徙都汴秋七月蒙古復圍燕

二十五歲 曲阜紀行詩云誰言甲戌亂煨燼入炎燎

梁園春五首注車駕還汴京後作 荅聰上人書云僕  
自貞祐甲戌南渡河時犬馬之齒二十有五遂登楊趙  
之門所與交如辛敬之雷希顏王仲澤李欽叔麻知幾  
諸人其材量文雅皆天下之選

是年三月兄敏之歿于北兵屠城之禍年二十九

十七史蒙求序始予年二十餘住太原學舍交城吳君  
庭秀洎其弟庭俊與予結夏課於由義西齋嘗以所撰  
蒙求見示後三十七年過鎮陽因得而序之

三年乙亥五月中都留守左丞相完顏承暉自殺蒙古遂  
入燕焚宮室火月餘不滅

二十六歲

南冠錄引因循二三年中原受兵避寇陽曲秀容之間  
歲無甯居

四年丙子

二十七歲 先生自秀容避亂河南客居崧山 夏五  
月將南渡河道出虞坂作虞坂行 孫伯英墓銘云貞  
祐丙子予自太原南渡因得過伯英家登壽樂堂飲酒  
賦詩 故物譜貞祐丙子兵後予將奉先夫人南渡河  
雜書及先人手寫春秋三史莊子文選之等尙千餘冊  
并畫百軸載二鹿車自隨是歲寓居三鄉其十月北兵



破潼關避於女兒之三潭

趙秉文除侍講學士

興定元年丁丑

二十八歲 在三鄉作論詩絕句 錦機引興定丁丑

閒居汜南始集前人議論爲一編以便觀覽蓋就李嗣榮衛昌叔家所有書而錄之故未備也因以錦機名之十一月日河東元某自題

二年戊寅

二十九歲

三年己卯金築汴京裏城

三十歲

四年庚辰

三十一歲 六月與趙郡李獻能太原王渥同游玉華  
谷憩少姨廟先生周行廊廡得古仙人詞於壁閒其首  
章直屋漏雨爲所漫剝殆不可辨乃磴木石而上拂拭  
汎滌迫視者久之始可完讀 西園詩注興定庚辰八  
月中作 太原貢士南京狀元樓宴集題名引云今年  
豫秋賦者百人

五年辛巳

三十二歲

登進士第不就選

堯山堂外紀興定初

裕之始以詩文見閑閑公公爲延譽諸公閒又五年乃  
得以科第出公之門

元光元年壬午

三十三歲

二年癸未十二月宣宗崩子守緒立

三十四歲

過鄆城見麻徵君知幾

校笠澤叢書後

記云予家舊有二本一本是唐人竹紙番複寫元光閒  
應詞科時買於相國寺販肆中宋人曾校定塗抹稠疊  
殆不可讀

哀宗正大元年甲申

三十五歲 堯山堂外紀裕之出閑閑公之門旁有不

平者謂公與楊禮部之美雷御史希顏李內翰欽叔為

元氏黨人正大甲申諸公貢裕之詞科公為監試官以

例不赴院宿一日坐禮曹欽叔從外至誦裕之秦王破

竇建德降王世充露布

是年應詞科程文秦王捨竇建德王世充露布今載集中餘二

篇光武中興頌大司農箴其文已叵集所不載

公頗為聳動顧座客陳司諫正

叔曰人言我黨元子誠黨之邪 劉祁歸潛志云正大

初先子令葉又云正大初先子入翰林又云正大初趙

閑閑長翰苑同陳正叔潘仲明雷希顏元裕之諸人作

詩會

趙秉文改翰林學士修國史

二年乙酉

三十六歲 吏部掾屬題名記末云正大二年五月日  
儒林郎權國史院編修官元某記警巡院廨署記末亦  
同 六月十一日雨詩一旱近兩月河洛東連淮 木  
庵詩集序乙酉冬十月將歸太原侍者出木庵集求予  
爲序 太原昭禪師語錄引云正大初予在史館

三年丙戌

三十七歲 夏四月過汜南爲鄆城張良佐作古鏡銘  
除夜詩三十七年今日過

四年丁亥

三十八歲 長慶泉新廟記云正大丁亥予承乏是邑

謂內鄉 夏五月赤旱近百日 與張仲經同賦觀浙江漲

詩云一旱千里赤一雨垣屋敗浙故以江名暴與眾壑  
會 九日讀書山詩云我在正大初作吏浙江邊山城  
官事少日放浙江船

五年戊子

三十九歲 正月晦日內鄉西城遊眺詩 紀夢詩注

七月二十四日內鄉往盧氏宿走馬平夜夢拜天帝像  
遂觀法駕導引畫幟最前負弩三人中有金書小字題

裕之者夢中不自知其爲予也 行齋賦序戊子冬十月長壽新居成仲經張君從予卜鄰取君子素位而行之義名曰行齋而乞文於予 張仲經詩集序予官西南張仲經偕杜仲梁麻信之高信卿康仲甯挈家就予內鄉時劉內翰光甫方解鄧州倅日得相從文字間是年出居縣西南白鹿原名所居爲行齋齋南菊水湍流綠莎盈尺臘月紅梅盛開諸公藉草而坐嘯詠彌日方綱嘗得先生手書涌金亭詩石刻後題云己酉清明日崧陽王贊立石按涌金亭示同遊諸君子七言古詩卽在正大戊子冬罷內鄉時也其云己酉者後來所補

刻耳 新齋賦序予既罷內鄉出居縣東南白鹿原結

茅菊水之上聚書而讀之其久也優柔馱飫若有所得

以爲平生未嘗學學於是乎始乃名所居爲新齋

方綱按白

鹿原同見本集而一稱縣西南一稱縣東南當有一誤

是年八月七日翰林學士楊雲翼卒年五十九先生作

神道碑銘云公文章與閑閑公齊名世號楊趙

六年己丑

蒙古太宗之元年

四十歲 鎮平縣齋感懷云四十頭顱半白生 阿干

始生詩云四十舉兒子

方綱按先生先官於內鄉後乃官鎮平官南陽以本集



考之甚明而郝經爲先生墓銘序云初筮仕除鎮平令再轉內鄉遂丁艱終喪正大中辟鄧州南陽令轉內鄉令蓋攷之未詳也金史文藝傳敘內鄉令在正大之前亦誤近日長洲顧嗣立元百家詩小傳又敘內鄉於南陽之後亦沿郝氏銘序之訛耳顧氏小傳又沿郝銘之訛作興定三年進士皆宜改正

七年庚寅

四十一歲

八年辛卯

四十二歲 時爲南陽令 宛邱歎注云辛卯七月農

司檄予按秦陽陂田 中州集小傳辛卯秋李長源過

予襄城杯酒閒誦關中往來詩

是年十一月劉祁至汴京

天興元年壬辰 正大九年正月改元開興四月又改元天興 正月蒙古遣其將

速不臺圍金汴京金遣曹王為質四月蒙古退軍河洛十

二月汴京糧盡援絕哀宗出奔河北速不臺復圍汴

四十三歲 墓銘云天興初入翰林知制誥 本傳云

天興初擢尚書省掾頃之除左司都事轉行尚書省左

司員外郎 方綱按此蓋舉一二年間之除授統言之

集中詩云壬辰困重圍本傳云今所傳者有壬辰雜編

若干卷 十二月車駕東狩後卽事詩 堯山堂外紀

王辰北渡順天毛正卿楊德秀祈仙山寺中蘇晉降筆  
寫詩數十首一詩有百僞無一真中有羲黃醕之句餘  
詩除酒裏神仙我五言外多不成語二人初不知晉爲  
何代人詩爲何人作以語元遺山遺山曰余三十六七  
時有詩曰西郊一畝宅閉門秋草深牀頭有新釀意慙  
成孤斟舉杯謝明月蓬華肯相臨願將萬古色照我萬  
古心又去古日已遠百僞無一真獨餘酒鄉地中有羲  
黃醕聖教難爲功乃見酒力神誰能釀滄海盡醉區中  
民今晉所批乃有此十字晉豈余前身邪將近時鬼物

之不昧者記余詩託名於晉以自神也晉旣以余詩爲  
渠所作余亦就酒裏神仙我五言取償於晉因作樂府  
曰繡佛長齋枉伴蒲團過酒壚橫卧一蹴虛空破笑張  
顛自謂無人和還知麼醉鄉天大小箇神仙我 南冠  
錄引京城之圍予爲東曹都事知舟師將有東狩之役  
言於諸相請小字書國史一本隨車駕所在以一馬負  
之時相雖以爲然而不及行 范陽張公先德牌予在  
大梁承乏左曹都司壬辰之圍外援阻絕危急存亾朝  
不及夕或有言宿州節度宗室眾僧奴之幕客張子良  
由閒道齋奏牘至者卽日召對書詔誥命凡繫之左曹

者予得與聞之

是年五月十二日密國公瓚薨年六十一 五月十二

日翰林學士趙秉文卒年七十四 歸潛志云卒于夏四月年七十三疑有誤

趙閑閑贊引云壬辰冬某以東曹掾知雜權都司取行

止卷觀之見公獨銜及楊雷猥相薦引者十七章 是

年權陝府行省左右司郎中河中李獻能欽叔以陝亂

見殺年四十一中州集小傳在京師時希顏仲澤欽叔

京父相得甚懽希長予六歲澤長四歲欽與京少予二

歲希歿於正大辛卯之八月年四十八澤歿於明年之

七月年四十七欽歿於其年十一月年四十一京歿於

又明年之三月年四十二蓋不二三年而五人者惟不

肖在爾

雷淵字希顏潭源人翰林修撰王渥字仲澤太原人權右司郎中冀禹錫字京父龍山人左右

司都事

傷寒會要序王辰之兵鎮人李杲明之與予同出汴梁

於聊城於東平與之游者六年

方綱按此亦統指以下數年而言其實於癸巳

出汴也

壽陽縣學碑陰記王辰之冬薄遊燕趙齊魯間迹益窮

文益奇名益大振每一篇出京師為之紙貴故所至以

異人目之

二年癸巳正月丙午朔哀宗濟河戊辰

是二十三日

汴京西面

元帥崔立作亂殺參知政事完顏奴申樞密副使完顏斜  
揔阿不立衛王子從恪爲梁王監國以城降蒙古

四十四歲 通鑑初汴人以金主親出師日聽捷報及  
聞軍敗始大懼時速不臺攻城日急內外不通及金主  
遣使至汴奉迎兩宮人情益不安西面元帥崔立性淫  
狡因民洶洶潛謀作亂左司都事元好問謂斜揔阿不  
曰自車駕出京今二十日許又遣使迎兩宮民間皆謂  
國家欲棄京城相公何以處之斜揔阿不曰吾二人惟  
有一死爾好問曰死不難誠能安社稷救生靈死可也  
如其不然徒欲以一身飽五十紅衲軍亦謂之死邪斜

捻阿不不荅時兩宮已出至陳留見城外二三處火起疑有兵復馳還汴京明日崔立拔劍指完顏奴申及斜捻阿不曰京城危困已極二公坐視何也二相曰有事當好議之何遽如是立麾其黨先殺斜捻阿不次殺奴申及左司郎中納合德輝等十餘人卽諭百姓曰吾爲二相閉門無謀今殺之爲汝一城生靈請命眾皆稱快立遂勒兵入宮集百官議所立立曰衛紹王太子從恪其妹公主在北兵中可立之乃遣其黨韓鐸以太后命往召命爲梁王監國百官拜舞立自爲太師都元帥尙書令鄭王弟倚爲平章政事侃爲殿前都點檢其黨皆



拜官元好問亦爲左右司員外郎遂送款詣速不臺軍  
速不臺至青城立服御衣儀衛往見之速不臺喜飲之  
酒立以父事之還城悉燒樓櫓以荆王府爲私第取內  
府珍玩充實之 金史王若虛傳崔立變羣小附和請  
爲立建功德碑翟奕以尙書省命召若虛爲文時奕輩  
恃勢作威人或少忤則讒搆立見屠滅若虛自分必死  
私謂左右司元好問曰今召我作碑不從則死作之則  
名節埽地矣不若死之爲愈雖然我姑以理論之乃謂  
奕輩曰丞相功德碑當指何事爲言奕輩怒曰丞相以  
京城降活生靈百萬非功德乎曰學士代王言功德碑

謂之代王言可乎且丞相旣以城降則朝官皆出其門  
自古豈有門下人爲主帥誦功德而可信乎後世哉奕  
輩不能奪乃召太學生劉祁麻革輩赴省好問張信之  
喻以立碑事曰眾議屬二君且已白鄭王矣二君其無  
讓祁等固辭而別數日促迫不已祁卽爲草定以付好  
問好問意未愜乃自爲之旣成以示若虛乃共刪定數  
字然止直敘其事而已後兵入城不果立也

郭元鈺金詩紀事遺山秋夜詩九死餘生氣息存蕭條  
門巷似荒邨春雷漫說驚坯戶皎日何曾入覆盆濟水  
有情添別淚吳雲無夢寄歸魂百年世事兼身事尊酒

何人與細論此詩爲汴京之難言之也据金史文藝傳則當時碑文皆以爲裕之所作其不免於物議可知詩中悲銜坯戶冤抱覆盆所以歎息於告語之無人也然意含蓄未露其痛切言之者則見於集中外家別業上梁文及元郝經伯常辨磨甘露碑詩外家別業上云遺山道人蟬蠹書癡雞蟲祿薄猥以勃窣槃跚之迹仕於危急存亾之秋左曹之斗食未遷東道之戈船已御久矣公私之俱罄困於春夏之長圍窮甚析骸死惟束手人望荆兄之通好義均紀季之附庸出涕而女於吳莫追於旣往下車而封之杞有覬於方來謀則僉同

義當孰抗爰自上書宰相所謂試微軀於萬仞不測之淵至於喋血京師亦常保百族於羣盜垂涎之口皇天后土實聞存趙之謀枯木死灰無復哭秦之淚初一軍搆亂羣小歸功劫太學之名流文鄭人之逆節命由威制佞豈願為就磨甘露御書之碑細刻錦溪書叟之筆蜀家降款具存李昊之世修趙王禪文何豫陸機之手迹

迹

文選謝平原內史表

伊誰受賞於我嫁名悼同聲同氣之閒有

無罪無辜之謗耿孤懷之自信聽眾口之合攻果吮癰

舐痔之自甘雖竄海投山其何恨惟彼證龜而作鼈始

於養虺以成蛇追韓之騎甫還射羿之弓隨殼

予北渡之初獻

書中令君請以一寺觀所費養天下名士以流言之自造謗二三魏謫林三亦書中枚舉之類也

止知神理之可憑復齒平民僅延殘喘澤畔而湘纍已

老樓中而楚望奚窮云云案文中云左曹之斗食未遷

時裕之尚官左司都事其後梁王監國始遷左右司員

外郎也東道之戈船已御時天興元年春元兵已駐鄭

州海灘寺進攻汴京也方綱按此是前一年事圍城數月外援莫

至奴申乞和訛可出質方綱按此在前一年二月中事請罷攻而不得

議親捍而大奔車駕蒙塵輿情無主眾欲推立荆王守

純以城降元如春秋紀季入齊之義所謂人望荆兄之

通好義均紀季之附庸也其時裕之實請於奴申與阿

不欲立監國以全兩宮與皇族翼日而乃有崔立之變  
二相被殺故有上書宰相喋血京師存趙有謀哭秦無  
淚之歎也至云劫太學之名流文鄭人之逆節似乎當  
時碑文仍出劉京叔手苟如史所云好問意未愜乃自  
爲之則安得復云蜀家降表具存李昊之世修趙王禪  
文何豫陸機之手迹邪嘅受賞者有人悲嫁名爲無罪  
乍返追韓之騎已關射羿之弓其言隱痛必有所指注  
中所云造謗二三耆侯更攷之又按注中所云中令君  
蓋耶律楚材也楚材爲右丞文獻公履之第三子仕元  
爲天興二年於元爲太宗之五年時汴京變後南中士

大夫歸河朔者所在有之故裕之寓書楚材請以一寺

觀費養天下名士也

書首云四月二十有二日門下士太原元某謹齋沐獻書相公閣下

書中所枚舉者自耆舊如馮內翰叔獻梁都運斗南高  
戶部唐卿王延州從之四人外時輩爲平陽王狀元綱  
東明王狀元鶚濱人王賁臨淄人李浩秦人張徽楊煥  
然李庭訓河中李獻卿武安樂夔固安李天翼沛縣劉  
汝翼齊人謝良弼鄭人呂大鵬山西魏璠澤人李恆簡  
李禹翼燕人張聖俞太原張緯李謙冀致君張耀卿高  
鳴孟津李蔚真定李治相人胡德珪易州敬鉉雲中李  
徽中山楊果東平李彥西華徐世隆濟陽張輔之燕人

曹居一王鑄渾源劉祁及其弟郁李全平定賈廷揚楊  
恕濟南杜仁傑洺水張仲經虞鄉麻革東明商挺漁陽  
趙著平陽趙維道汝南楊鴻河中張肅河朔句龍瀛東  
勝程思溫及其從弟思忠共四十九人內劉麻二人之  
名皆在焉然則所云造謗二三得毋卽指之邪但裕之  
與信之素厚內鄉隱居河汾投老始終未嘗有閒京叔  
父子兄弟其始亦極爲裕之所推許卽晚歲輯中州集  
時論次雲卿蓬門先生集中詩尙云二子祁郁俱有名  
於時未聞有所譏貶如文中養虺成蛇穀弓射羿何甚  
也然猶稱之曰名流不斥其人也諉之曰劫明其非得



已也復爲之解曰命由威制則又似乎京叔之撰文翟奕張信之輩實使裕之促之者更爲之解曰佞豈願爲又似乎京叔屬草之後裕之亦嘗略爲刪改者後乃盡舉其過歸之一人是以悼同聲同氣之間有無罪無辜之謗也又郝經陵川集辨磨甘露碑云國賊反城自爲功萬段不足仍推崇勒文誦德召學士滹南先生付一死林希更不顧名節兄爲起草弟親刻省前便磨甘露碑書丹卽用宰相血百年涵養一塗地父老來看閭流涕數罇黃封幾斛米賣卻家聲都不計盜據中國責金源吠堯極口無覩顏作詩爲告曹聽翁且莫獨罪元遺

山按遺山集內翰王公墓表云天興初冬十二月車駕東狩明年春正月京城西面元帥崔立劫殺宰相送款行營羣小獻諂請爲立建功德碑以都堂命召公爲文喋血之際翟奕輩恃勢作威頤指如意人或稍忤則橫遭讒搆立見屠滅公自分必死私謂好問言今召我作碑不從則死作之則名節埽地貽笑將來不若死之爲愈也雖然我姑以理論之乃謂奕輩言丞相功德碑當指何事爲言奕輩怒曰丞相以京城降城中人百萬皆有生路非功德乎公又言學士代王言功德碑謂之代王言可乎且丞相旣以城降則朝官皆出丞相之門自

古豈有門下人爲主帥誦功德而爲後人所信者問荅  
之次辭情閒暇奕輩不能奪竟脅太學生託以京城父  
老意而爲之則碑文之出於劉京叔手可知伯常詩中  
勒文誦德召學士淳南先生付一死謂王從之能顧名  
節也林希更不顧名節兄爲起草弟親刻豈於時京叔  
撰文其弟文季亦在圍城中便爲之上石耶書丹卽用  
宰相血傷奴申阿不之見殺也父老來看闔流涕明非  
京城父老意也數罇黃封幾斛米卽遺山上梁文所云  
受賞也賣卻家聲都不計當以二劉之高祖南山翁撫  
從曾祖西巖老人汲父御史從益於金源氏百年以來

世為高門今乃以此墮其家聲為可惜也但林希二字

殊不可解或以麻字之減文為林信之自號貽溪復以

貽溪之反語為希邪信之為秉彝之孫亦有家聲俱與

詩所云兄弟者不合或即為信之語以起草讓京叔而

以刻石自任耶方綱按此指麻貽溪非是宋徐自明宰

樞密院事林希字子中福州人先是元祐中除希中書

舍人為孫升劉摯諸御史所論出知蘇州至是章惇入

相思甘心於元祐故臣命詞掖當求以為元祐敵者乃

進希寶文閣直學士自毫社易知成都希既過闕惇首

卜其所向果怨元祐者即自留希為中書舍人遂兼侍

讀希命詞宣力為多希又修神宗國史時方推明紹述

盡黜元祐諸臣自呂大防劉摯蘇軾蘇轍等書命皆希

為之惇仍許以為同執政一日希草制罷擲筆於地曰

壞了名節矣遷吏部尚書翰林學士拜同知樞密院事

据此似是借宋事為影喻蓋林希有壞了名節一語故

借用其事也

末云作詩爲告曹聽翁且莫獨罪元遺山則所以爲裕之訟冤者雖切然亦未嘗謂不與其事者蓋裕之自尙書省掾遷左右司員外郎實爲崔立所署其受謗亦未爲無因也

方綱按集中壬辰十二月車駕東狩後卽事詩已云戴盆鬱鬱夢瞻天又云慘澹龍蛇日鬪爭干戈直欲盡生靈又云精衛有冤填瀚海包胥無淚哭秦庭是皆關心國是之言豈卽豫知次年正月事耶則先生之志不在區區爲一己出處申辨可知已又按薛應旂續通鑑載此事於金史王若虛傳

穆案於當作取

然以其事核之互有不

合如傳云後兵入城碑不果立哀宗本紀二年正月戊辰安平都尉京城西面元帥崔立舉兵爲亂癸酉大元將碎不解進兵汴京戊辰是正月二十三日癸酉是二十八日中間止有四日耳而云碑不果立又云促迫數日則郝詩何以有起草親刻父老來看之語乎而所謂極口吠堯則亦與若虛傳所云止直敘其事者不符矣且先生四月二十九日出京則在城中遇崔立之亂凡三閱月而云斗食未遷則其署官先生固若不豫也者且若虛傳中始而敘若虛私謂左右司員外郎元某則似已在署官員外之後矣及至若虛辭後乃召太學生

至省而元某喻以立碑事則仍在尙書省又似在未署  
官之前前後情事亦不相合況本傳旣表若虛之辭大  
金國志亦謂若虛外爲遜辭實欲以死守之時議稱焉  
而此傳又謂好問自爲碑旣成以示若虛乃其刪定數  
字言其刪定則若虛亦在其中而何以謂時議稱之哉  
然則此事史所載已參錯難曉而郝詩云且莫獨罪尙  
是渾淪之詞耳

癸巳年郝伯  
常年十一歲

明儲太僕靜夫嚙題重刻集後云或者謂金之亾崔立  
之變死生辭受之際遺山處之有不能道人之議者噫  
是未攷也觀其對捏申之語誌聶女之墓隱忍激烈意

蓋有待而爲也方綱按遺山集聶孝女墓銘云五臺聶天驥元吉爲尙書左右司員外郎壬辰之冬車駕東狩元吉留汴梁明年正月二十有三日崔立舉兵反殺二相省中元吉被兵創甚女日夜悲泣謁醫者療之百方至刲股雜他肉以進而元吉卒不可救女葬其父之明日乃絕脰而死女字舜英年二十二嘗嫁爲進士張伯豪妻伯豪死歸父母家嗚呼壬辰之亂極矣中國之數百年之久其亾也死而可書者權參知政事翰林學士承旨子政右丞大用御史大夫仲甯戶部尙書仲平大理德輝點檢阿撒郎中道遠省講議仁卿奉御忭哥宰



相子伯祥宿直將軍長樂妻明秀參知政事伯陽之夫  
人與孝女十數人而已且有婦人焉孝女合葬張氏墓  
銘有銘以表之并志予媿之句先生之闡揚孝烈可謂  
至矣金史哀宗紀是日死難者右副點檢溫敦阿里左  
右司員外郎聶天驥御史大夫裴蒲阿虎帶諫議大夫  
左右司郎中烏古孫奴申左副點檢完顏阿散奉御忝  
哥講議蒲察琦而先生所記死事諸人雖以壬辰渾舉  
之而其發潛表忠之意固有可與史相證者且左右司  
員外者卽史所稱崔立署好問之官而聶天驥實以是  
官死若先生稍有依違於中甯不避言此官而直書特

書則先生之心足以對人可知矣又南冠錄引云崔立之變歷朝實錄皆滿城帥所取百年以來明君賢相可傳後世之事甚多不三二十年則世人不復知之矣此其雜見於先生集中者痛切言之不啻再四借使史所書署官之言果有其事亦必崔黨畏先生名重署之官以自爲地與先生固無豫而況史所載多參錯致疑哉此予所以反覆致辨於癸巳春署官一節之未足深論也

方綱又按崔立碑事始末具詳於劉祁歸潛志第十二卷今全錄於此錄崔立碑事崔立旣變以南京降自負

其有救一城生靈功謂左司員外郎元裕之曰汝等何時立一石書吾狀耶時立國柄入手生殺在一言省庭日流血上下震悚諸在位者畏之於是乎有立碑頌功德議數日忽一省卒詣予家齋尙書禮房小帖子云首領官召赴禮房余初愕然自以布衣不豫事不知何謂卽往至省門外遇麻信之余因語之信之曰昨日見左司郎中張信之言鄭王碑事欲屬我輩作豈其然耶卽同入省禮房省掾曹益甫引見首領官張信之元裕之二人曰今鄭王以一身救百萬生靈其功德誠可嘉今在京官吏父老欲爲立碑紀其事眾議屬之二君且已

白鄭王矣二君其無讓余卽辭曰祁輩布衣無職此非所當爲況有翰林諸公如王丈從之及裕之輩在祁等不敢裕之曰此事出於眾心且吾曹生自王得之爲之何辭君等無讓余卽曰吾當見王丈論之裕之曰王論亦如此矣予卽趨出至學士院見王丈時修撰張子忠應奉張元美亦在焉余因語其事且曰此實諸公職某等何與焉王曰此事議久矣蓋以院中人爲之若尙書檄學士院作非出於在京官吏父老心若自布衣中爲之乃眾欲也且子未仕在布衣今士民屬子子爲之亦不傷於義也予於是陰悟諸公自以仕金顯達欲避其

名以嫁諸布衣又念平生爲文今而遇此患難以是知揚子雲劇秦美新其亦出於不得已耶因遜讓而別連延數日又被督促知不能辭卽略爲草定付裕之一二日後一省卒來召云諸宰執召君子不得已赴省途中遇元裕之騎馬索予因劫以行且拉麻信之俱往初不言碑事止云省中召王學士諸公會飲予亦陰揣其然旣入卽引詣左參政幕中見參政劉公謙甫舉杯屬吾二人曰大王碑事眾議煩公等公等成之甚善余與信之俱遜讓曰不敢已而謙甫出見王丈在焉相與酬酢酒數行日將入矣余二人告歸裕之日省門已鎖今夕

卽當留宿省中余輩無如之何已而燭至飲余裕之倡  
曰鄭王碑文今夕可舉手也余曰有諸公在諸公爲之  
王丈謂余曰此事鄭王已知眾人請太學中名士作子  
如堅拒使王知書生輩不肯作是不許其以城降也則  
銜之刻骨縉紳俱受禍矣是子以一人累眾也且子有  
老祖母老母在堂今一觸其鋒禍及親族何以爲智子  
熟思之余惟以非職辭久之且曰余旣爲草定不當諸  
公意請改命他人諸公不許促迫甚余知其事無可奈  
何則曰余素不知館閣體今夕諸公共議之如諸公避  
其名但書某名在諸公後於是裕之引紙落筆草其事

王丈又曰此文姑使裕之作以爲君作又何妨且君集中不載亦可也余曰裕之作政宜某復何言碑文旣成以示王丈及余信之欲相商評王丈爲定數字其銘詞則王丈裕之信之及存余舊數言其碑序全裕之筆也然其文止實敘事亦無褒稱立言時夜幾四鼓裕之趣曹益甫書之裕之卽於燭前焚其稿遲明余輩趨出後數日立坐朝堂諸宰執首領官共獻其文以爲壽遂召余信之等俱詣立第受官余輩深懼見立俄而諸首領官齋告身三通以出付余輩曰特賜進士出身因爲余輩賀後聞求巨石不得省門左舊有宋徽宗時甘露碑

有司取而磨之工書人張君庸者求書刻方畢北兵入城縱剽余輩狼狽而出不知其竟能立否也嗟乎諸公本畏立禍不敢不成其言已而又欲避其名以賣布衣之士余輩不幸有虛名一旦爲人之所劫欲以死拒之則發諸公嫁名之機諸公必怒怒而達崔立禍不可測則吾二親何以自存吾之死所謂自經於溝瀆而莫之知且輕殺吾身以憂吾親爲大不孝矣況身未祿仕權義之輕重親莫重焉故余姑隱忍保身爲二親計且其文皆眾筆非余全文彼欲嫁名於余余安得而辭也今天下士議往往知裕之所爲且有曹通甫詩楊叔能詞



在亦不待余辨也因書其首尾之詳以誌年少之過空

山靜思可以一笑右神川遯士劉祁所作歸潛志述崔

立碑事如此其言曹通甫詩楊叔能詞今皆不見於世

困學齋雜錄曹居一字通甫一字聽翁又號南湖散人  
太原人金末進士仕元爲行臺員外郎遺山集中有送

曹吉甫兼及通甫詩而此碑當日爲劉祁作則無疑矣其曰今天

下士議往往知裕之所爲者則卽遺山上梁文所云於

我嫁名者也其曰止實敘事無褒稱立之言者則後來

据以入史卽今金史王若虛傳所本也撰金史者於若

虛一傳前半則依好問之文後半則依劉祁之文是以

參錯致疑也其曰銘詞則王丈裕之信之及存余舊數

言其碑序全裕之筆是固以滹南與遺山同入事中矣而今史家於王則稱之於元則有微詞何哉且遺山上梁文一則曰同聲同氣之間有無罪無辜之謗再則曰造謗二三亦書中枚舉之類是其詞微而隱未嘗明指劉祁也而祁歸潛志則若惟恐世之不知此事中有遺山者以是二者較之孰爲嫁名後世學人必有公論矣況郝經詩兄弟之言已自曉然林希之稱或爲度語而其言極口吠堯則必郝目見此文安得謂之止實敘事而已郝之詩憤此碑也非止辨此碑也如是而其出遺山與否固不待更攷矣然歸潛志旣曰連延數日又被

督促又曰後數日召余輩受賞是自崔立之變至磨碑刻詞必非戊辰至癸酉所能辦也又据史崔立之變在兩宮歸之明日而歸潛志敘在後二日是皆紀載之互有參錯者而歸潛志謂一時人望皆以次遷擢臺閣中除拜無虛日又可見所謂署官者之本屬虛妄不足道矣今歸潛志行世止八卷是以前輩皆未見此事源委故備著而論之

集中詩云明年出青城 四月二十九日出京詩云興  
亾誰識天公意留著青城閱古今自注國初取宋於青  
城受降 五月三日北渡詩 南冠行癸巳秋作 又

李仲華湍流高樹圖詩自注癸巳正月之變逆黨中有  
欲謀害己者賴仲華力爲營護得釋

中州集引歲壬辰予掾東曹馮內翰子駿延登劉鄧州  
光甫祖謙約予爲此集時京師方受圍危急存亡之際  
不暇及也明年留滯聊城杜門深居頗以翰墨爲事馮  
劉之言日往來於心乃記憶前輩及交游諸人之詩錄  
爲一編目曰中州集嗣有所得當以甲乙丙丁次第之  
十月二十有二日

三年甲午正月戊申哀宗傳位於東面元帥承麟哀宗自

經於幽蘭軒承麟爲亂兵所殺金亡

蒙古太宗之六年卽  
宋理宗端平元年

四十五歲

李俊民鶴鳴老人集金蔡州破於甲午年正月十日己酉 清真觀記歲甲午予自大梁羈管聊城冷德明之法兄弟房志起自覃懷來介於幕府諸君請予爲記六月十六日前進士河東元某記 紀子正杏園宴集

密公寶章小集詩注甲午三月爲輔之書於聊城至覺寺之寓居 校笠澤叢書後記末云甲午四月二十有一日書於聊城寓居之西牕 甲午除夜詩云甲午兩周今日盡只將衰淚灑吳天蓋自金太祖收國元年乙未至是正一百二十年也 南冠錄引甲午羈管聊城

益之兄邈在襄漢姪搏俘繫之平陽存亾未可知伯男  
子叔儀姪孫伯安皆尙幼未可告語予年已四十有五  
益之兄嘗命予修千秋錄略具次第乃手寫以備遺忘  
以先世雜事附焉以行年雜事附焉以先朝雜事附焉  
合而一之名曰南冠錄叔儀伯安而下乃至傳數十世  
當家置一通

蒙古太宗七年乙未

四十六歲 正月九日立春詩 是年六月渾源劉祁

撰歸潛志

祁於甲午歲還鄉時年三十二

先生濟南行記予兒時從

先隴城君官掖縣嘗過濟南然但能憶其大城府而已

長大來聞人談此州風物之美遊觀之富每以不得一  
遊爲恨歲乙未秋七月予來河朔者三年矣始以故人  
李君輔之故得一至焉因次第二十日閒所遊歷初至  
齊河約杜仲梁俱東並道諸山南與太山接至濟南置  
酒歷下亭故基亭下大明湖與濟水合華峰東有卧牛  
山正東百五十里鄒平之南有長白山范文正公學舍  
在焉東十里有南北兩妙山兩山之間有閔子騫墓西  
有畱山太山北麓也瀑流泉在城西南字又作  
趵突靈泉庵  
道士留予再宿此遊至瀑流者六七宿靈泉庵者三汎  
大明湖者再遂東入水柵水名繡江發源長白山下周

圍三四十里留五日而還道出王舍人莊道旁一石刻  
云隋開皇丙午十二月鈇珍墓誌道南有仁宗時侍從  
龍圖張侍郎揆讀書堂讀書堂三字東坡所書并范純  
粹詩石刻至濟南又留二日汎大明湖待杜子不至明  
日行齊河道中小雨後太山峰嶺歷歷可數前後得詩  
凡十五首 八月十七日莘縣夢中詩

八年丙申

四十七歲 夏六月馮內翰文以某在冠氏枉駕見過

冠氏在河北  
路大名府

東遊略記丙申三月二十一日冠氏趙

侯將會行臺公於泰安侯以予宿尙遊觀拉之偕行凡



三十日往復千里而在鞍馬者八日故所歷不能從容  
因略記之郭巨廟在長清西南四十里所路傍小山之  
上齊武平中齊州胡僕射所造石室在焉所刻人物舟  
車馬象三壁皆滿衣冠之制絕與今世不同有如沈存  
中所記幞頭但不展腳耳西壁外胡僕射刻頌規制如  
磨崖狀字作隸書文齊梁體後題云居士慧朗侍從至  
朗能草隸書世謂朗公書者是也予意此頌必朗公所  
書故題字云然又有開元二十五年題字并長清尉李  
皋祭文隔馬祠在長清馬山之南有大觀三年東平陳  
彥元廟記靈巖寺後方山下有絕景亭有党承旨世傑

寺記寺壁石刻甚多有張揆叔文蘇轍子由吳拭顧道  
詩餘人不能悉記遂登天門岳頂太史公謂太山雞一  
鳴日出三丈而予登日觀平明見日出疑是太史公夸  
詞問之州人云嘗有抱雞宿山上者雞鳴而日始出蓋  
岱宗高出天半昏曉與平地異故山上平明而四十里  
之下纔昧爽聞耳宋以大中祥符元年十月二十七日  
封太山碑刻皆王欽若陳堯叟錢惟演楊億撰述然字  
畫多剝落不能完讀矣太山上書院元是周朴所居宋  
太山孫先生明復居之州學有魯兩先生祠堂党承旨  
作記兩先生者明復與徂徠先生石守道也龍泉寺在

平陰東南四十里齊天統中建寺有石刻劉豫阜昌二年皇子皇弟符改甲乙院亦有碑又阜昌中題名最多此行遊太山者五日靈泉龍泉皆一宿而去得詩凡十首方綱按今靈巖寺中殿西階下党承旨碑陰有先生手蹟石刻云冠氏帥趙侯齊河帥劉侯率將佐來游好問與焉丙申三月廿五日題 故物譜末云丙申八月二十有二日洛州元氏太原房某引 東坡樂府集選末云丙申九月朔書於陽平寓居之東齋 南冠錄引云作詩今四十年矣蓋南冠錄當作於此年

九年丁酉

四十八歲 八月自大名還太原 蘧然子墓碣云丁酉冬復來東州而蘧然子下世矣

十年戊戌

四十九歲 秋八月二日別冠氏諸人二十二日入濟

源寓舍 十月山陽雨夜詩 千戶趙侯碑云予往客

平陽者六年歲戊戌七月以叔父之命將就養於太原

侯留連鄭重數日不能別軍行河平予與之偕分道新

鄉置酒行營中夜參半把燭相視不覺流涕覆面 傷

寒會要序戊戌之夏予將還太原 范鍊師贊引云戊

戌之夏予過東平留宿正一宮

十一年己亥

五十歲 己亥元日詩云五十未全老 正月二十七

日於濟瀆祠作老人星贊 續夷堅志云己亥夏四月

予自陽雲臺宮將之上方過天壇中巖洞 倪莊中秋

十一月十三日雪晴夜半讀書山東龕看月詩

十二年庚子

五十一歲 南庵杏花詩

十三年辛丑

五十二歲 閻侯墓表云辛丑元日予方客東平閻載

之盛爲具召予及大興張聖予祁人宋文卿東光句龍

遺山先生年譜  
英孺鎮人劉子新太原崔君卿渾源劉文季壽春田仲  
德輩飲於家之養素齋所致客皆名士樂籍又京東之  
舊飲既洽談譁間作時客無不滿引舉白

十四年壬寅

五十三歲 正月九日詩自注時欲經營神山別業

夜宿讀書山詩五十三年等閒裏 元氏集驗方序壬  
寅冬閒居州里錄予所親驗者爲一編目之曰集驗方  
十二月吉日書於讀書山之東龕

十五年癸卯

五十四歲 癸卯歲杏花云讀書山前二月尾又云今

年閏年好寒節 四月二十一日病因食豬動氣而作

臨錦堂記幕府從事劉公子裁其西北隅謂燕城也爲小圃

堂於其中名曰臨錦癸卯八月公子觴予此堂 八月

爲中令耶律公代作祭妣文 九月四日同杜仲梁賦

黃華山水篇 冬過趙州慶源館爲范鍊師作太古堂

銘

是年四月王若虛卒年七十先生作墓表云十月好問

拜公墓下 曹徵君墓表云君流寓宏州癸卯冬予自

新興將之燕中乃枉道過之 李君墓碑云癸卯冬予

自燕都還太原道出范陽

十六年甲辰

五十五歲 壽陽縣學記甲辰之春歸自燕雲道壽陽

知有新學往觀焉 四月二十四日忻州郡守等天池

祈雨文 夏五月積雨十餘日不止 兩山行記甲辰

夏五月八日予以事當至崞縣初約定襄李之和偕往

適幕府從事宣德劉惠之平陽李幹臣還軍官山過吾

州遂與同行是日行八十里野宿天涯山前明旦入縣

劉李別去予獨遊神清觀舊聞行臺員外廣甯李純甫

棄官學道築環堵而居聞予來欣然出迎卽日與純甫

之和並山而東出雁門之南夜宿王仲章道正瑞雲庵



庵在鳳山之麓道士孫守真年八十矣亂後無圖志可  
攷山之故事多從此翁得之十一日入山半山一峰爲  
釣魚臺其上爲十八盤爲青龍嶺爲風門右爲來儀觀  
觀有天寶四載石記是道學士董思珍所造觀額政和  
七年九月兵馬鈐轄知代州王機建權發遣河東沿邊  
按撫司公事王誨書明日期城中諸公不至又明日爲  
前高之遊 秋留別丹陽詩西山西畔是并州 秋過  
寂通庵別陳丈詩 吳君阿表云甲辰冬予過洛西  
十七年乙巳

五十六歲 甲辰秋洛陽得黃葵子種之南庵明年夏

六月作花時方以病止酒 秋與梁辨疑李輔之武伯  
佐游崑山祠 與樞判白兄書云乙巳歲往河南舉先  
夫人殯首尾閱十月之久幾落賊手者屢矣狼狽北來  
復以葬事往東平 冬十一月至東平過聖與張君之  
新軒見武伯英所寶宣和湖石聖與名曰雲巖乃爲之  
詩 馮君碑云乙巳冬好問過大名 十二月拜孔子  
林廟還得手植檜把握許就刻爲宣聖顏孟十哲像而  
爲之贊

蒙古定宗元年丙午

五十七歲

二年丁未

五十八歲 袁君墓表丁未春芮城李邦彥過吾州以  
文爲請 朝元觀記丁未春二月梁鍊師辨疑過新興  
末云望日遺山眞隱元某記 寒食歸自三泉

三年戊申

五十九歲 示程孫四首云明年吾六十 康君墓表

九月予過甯晉

四年己酉

六十歲 四月十七日度石嶺詩云無情石嶺關頭路  
行去行來又十年 是年秋眞定提學龍山趙國寶資

助錄中州集板行 八月爲楊叔能小亨集序云今年  
所撰小亨集成其子復見予鎮州方綱按先生尙爲楊  
叔能作序則歸潛志所謂叔能之詞云者其亦可以無  
辨矣 曹君阡表己酉秋九月予以事來燕都 跋毛

氏家訓後己酉冬某自燕還幕府

先生夫人  
毛氏也

五年庚戌

六十一歲

忻州天慶觀重建功德記庚戌春二月予

還自鎮州

順天府營建記庚戌七月予過順天方綱

按順天卽今保定府

八月爲第四女擇配得世官張

氏長子興祖

蒙古憲宗元年辛亥

六十二歲 夏五月以事來太原借宿大悲僧舍 常  
君墓誌辛亥九月晦日自太原東來過仲明之門而仲  
明下世十餘日矣 續夷堅志辛亥秋予與毛正卿德  
義仲昆郝伯常劉敬之諸人遊順天寶教院寺僧說龍  
事 十二月十四日爲第四女配婿

二年壬子

六十三歲 十月遊承天鎮懸泉 東平賈氏千秋錄  
後記云壬子冬十月自真定來東原顯之以此本見示  
冬與大興蕭漢傑相值於東原詩序云與漢傑論余

之行年而有契於心 嚴公祠堂碑壬子孟冬公之嗣  
子走書幣及好問於鎮陽

三年癸丑

六十四歲 夏六月客燕中 致樂堂記癸丑之夏余  
以事來故都 十一月賦西溪圖詩 濟南孫君墓碑  
癸丑之冬予以行臺之召東來

四年甲寅

六十五歲 正月二十三日故關道中詩云六十復半  
十 六月臺山雜詠 七月自清涼還太原中元日作  
鬲和尚頌序 九日遊龍泉寺 十二月四日出鎮陽

五年乙卯

六十六歲 二月二十一日歸自汴梁二十五日夜久旱而雨偶記內鄉一詩追錄於此今三十年矣 八月自鎮陽來東平 十一月往鎮州

六年丙辰

六十七歲 九月二十六日挈家遊龍泉 冬十月閒居西山之鹿泉

七年丁巳

六十八歲 三月初二日張村杏花詩 尙藥吳辨夫壽家記云丁巳秋七月予將西歸 密國公禱如庵詩

文集於公薨壬辰後二十有六年再刻於大名門下士  
河東元某爲序 八月初作琴辨引末稱遺山詩老

九月四日先生卒於獲鹿寓舍是年爲宋理宗寶祐五  
年後三年庚申始爲蒙古世祖中統元年元詩小傳云  
元世祖在藩邸聞其名將以館閣處之未用而卒王鶚  
遺山文集後引云國朝將新一代實錄附修遼金二史  
而首膺是選哀訃遽聞又中統三年李冶序云主上擢  
居藩邸挹君盛譽一見遽以處之太史氏又壽陽縣學  
碑陰記中統初聖上龍飛挹先生文譽方欲選用而先  
生已下世矣



先生前配太原張氏再配臨清毛氏子男三人女二人  
郝經壽元內翰云遺山山頭有舊廬歸來亦足爲歡娛  
既有墮地風雲之驪駒又有竹花弄語之鷓鴣仰天一  
笑萬事足倒騎箕尾遊蓬壺此詩不著歲月先生移居  
詩有南榮坐諸郎之句則其時諸子皆已讀書矣移居  
詩亦不著歲月中有云我作南冠錄一語不敢私南冠  
錄成於甲午時年四十五而先生詩云四十舉兒子則  
己丑所生之阿干於時方六歲移居詩蓋又在甲午後  
也

移居詩云我作野史亭亭在今忻州南十里韓巖村墓

銘云雜錄近世事至百餘萬言書未就而卒此則不止於南冠錄壬辰雜編矣壬辰雜編不著卷數中州集則家鉉翁題後亦稱十卷郝經墓銘則曰爲中州集百餘卷又有金源君臣言行錄亦不著卷數本傳又載杜詩學一卷東坡詩雅三卷錦機一卷詩文自警十卷而墓銘云詩至五千五百餘篇碑銘至百餘首又有續夷堅志二卷今所傳詩文集四十卷一刻於明宏治十一年再刻於本朝康熙四十六年皆頤齋張德輝類次之本粗分各體而時地則未嘗一一細攷也

附錄

先生七歲能詩有神童之目學成下太行渡大河爲箕  
山琴臺等詩禮部趙秉文見之以爲近代無此作也於  
是名震京師有元才子之稱趙愚軒寄裕之詩有臞元  
之號先生自題寫真有短小精悍之語

劉靜修詩百年圖籍有蕭相一代英雄誰蔡公策書紛  
紛少顏色空山夜哭遺山翁自注汴亾張蔡公以金寶  
錄歸遺山嘗就公謄錄

葛邏祿易之詩維時儒教師矯矯真天龍乾坤始開廓  
魚水欣相從自注世祖嘗因金儒元好問之請爲儒教  
大宗師

歐陽圭齋集近年奉詔修三史一日於翰林故府中檢  
金人遺書得元遺山裕之手寫壬辰雜編一帙

遺山續夷堅志二卷吳中王起善抄本至正二十三年  
癸卯歲閏三月十七日丁亥華亭在家道人孫道明明  
叔借抄前有至順三年朱方石巖民瞻識云此乃先生  
當中原陸沈之時皆耳聞目見之事非若洪景廬讀史  
寓言也

靜樂舊鈔遺山詩後世系略云元氏本黃帝後自昌意  
少子受封北國傳至後魏拓跋氏至孝文遷都洛陽改  
元氏又傳七世而國祚移遂落籍汝州唐元結官禮部

侍郎五季後自汝州遷平定至先生高祖諱宋宣和間

官忻州神虎軍使曾祖春隰州團練使靖康末自平定

遷忻祖滋善金正隆二年始仕爲柔服丞所謂銅山府

君也生三子長德明號東巖嘗讀書東山福田精舍繫舟

山在今忻州南三十五里趙秉文詩山頭佛屋三五間山勢相連石嶺關名字不經從我改便稱元子讀書山

案舉不第以詩酒自適先生貴後贈中順大夫此所謂

東巖府君也次格官陵川令以遺山貴贈明威將軍所

謂隴城府君也季升字德清以兄隴城蔭補承奉班亦

無子德明生三子長好古字敏之沒於貞祐二年元兵

屠城之難次好謙字益之季卽先生出繼叔父隴城君

遺山集四十卷附錄一卷明儲懽家藏本宏治戊午沁  
州李翰爲鈔諸梓有李治徐世隆二序後有王鶚杜仁  
傑二跋凡詩十四卷文二十六卷集末附錄一卷儲氏  
所輯也按先生入元不仕自是金源遺老長洲顧氏選  
錄有元一代之詩乃以遺山冠於甲集之首非知人論  
世之義也

元遺山先生年譜終

翁輯元譜附錄

新從粵雅堂本摘刻

詩人元遺山墓碑

遺山先生文章行業海內所共知士大夫不敢僅以金國  
百年論之者蓋以文派有所歸也或與初嘗辱先生教誨  
又嘗聞先生之言某身死之日不願有碑誌也墓頭樹三  
尺石書曰詩人元遺山之墓足矣或與初適按部河東得  
拜墓下因買石以刻之先生有文集樂府行於世至於大  
書特書有太史氏存茲不贅云先生諱好問字裕之遺山  
真自號也至元十有九年五月廿二日通議大夫河東山  
西道提刑按察副使魏初大中大夫河東山西道提刑按

察使濟南姜彧建

重修元遺山先生墓記

甲寅孟陬于役郊南薄暮道出韓巖村舊聞遺山先生墓在其處詢之士人導而前曰此五花墳也翁仲羊虎猶存呼燈展拜荒榛間有斷碣大書詩人元遺山之墓七字心竊異之越數日復往視碣陰文尙完可讀始知至元閒先生弟子魏初姜彧二人述先生遺命而表石者夫先生仕於金秩顯矣不書乃書詩人想見先生以斯文自任者重而身食周粟心繫殷墟并不欲冠以時代其用意尤深且悲也墓左一碑剝甚卽郝氏伯常所撰墓銘稱先生以丁



已歲卒爲蒙古憲宗七年計金亾已廿四年而碑之立則  
在成宗大德四年爲先生子拊知汝州時所建蓋上距先  
生之歿又四十四年矣又按碑稱先生卒於獲鹿旅舍歸  
葬秀容之先塋今先生墓石上下凡六冢皆無表誌遍訪  
故家得世系略一墓圖一乃以本集注暨南冠錄諸書證  
之元氏自五季後從汝州遷平定先生之曾祖春隰州團  
練使靖康末從平定遷忻祖滋善仕金爲柔服丞父德明  
卽金史所稱東巖先生生三子先生其季生七月而爲叔  
後叔隴城君名格仕陵川令今其上四冢乃先生之曾祖  
與祖暨東巖隴城兩君墓下二冢則先生之子名拊孫名

若祖墓也余維先生節槩文章彪炳史集固無待於闡揚  
惟是先賢一坏土歲久蕪廢亦守斯邦者責也遂練日鳩  
工厚墓垣崇墓封植松檟以蔭之碣斷者螿罅護之碑剝  
者隴石重鐫之計捐俸三百有奇三閱月而工竣垣之址  
則前牧秉方伯朱公命規墓域而始築者顧今甫二十年  
頽圯幾無存余又焉知後之視今不猶今之視昔耶不有  
守冢奚以禁樵蘇不有歲修奚以資補葺乃更求其裔於  
元家山從田間得二人爲叔姪行問其世數不能詳也姪  
方艸頗聰俊因名之曰學詩給膏火屬州之廣文課之於  
是黌序諸生僉進而言曰前之役公旣獨任之茲願共襄

所以貽後者不兩月而輸得五百緡余喜曰可矣爰就墓  
前建享堂三楹而以世系略及墓圖勒石嵌諸壁別於道  
旁築數椽重書野史亭額標之復舊蹟也就近置墓田三  
十畝丙舍五閒俾學詩之叔紹玉經理之今而後學詩讀  
於斯其叔耕於斯歲時祭享掃除恒於斯世世子孫守冢  
可勿替余倡是舉而都人士慕義之風莫不勉焉殆先生  
默有以相之歟時董其事者進士張君金龍舉人張嗣良  
康黃中貢生張象樞任元信也知忻州直隸州事古歛汪  
本直記

遺山先生世系略

先生姓元氏諱好問字裕之號遺山按國史本黃帝之後

自昌意少子受封北國傳至後魏道武於東晉安帝隆安

二年稱帝於平城乃以拓拔為氏傳六世而至孝文遷都

洛陽始稱元氏又傳七世而國祚移遂落籍汝州迨唐代

間多為顯宦惟元次山為禮部侍郎清愛名世冠絕一時

五季後從汝州遷平定至高祖誼於宋宣和間為忻州神

虎軍使會祖春為隰州團練使及靖康末金據中原不仕

乃從平定遷忻郡五季以後至此見祖滋善稱銅山府君

於金正隆二年始仕為柔服丞遺山貴後贈朝列生三子

長德明號東巖嘗讀書東巖之福田寺累舉不第以詩酒

自適生平多所著述遺山貴後贈中順大夫次格稱隴城府君仕至

陵川令遺山貴後贈明威將軍無子季升字德清以兄隴城蔭補承

奉班亦無子德明生三子長好古字敏之習舉業沒於貞

祐二年元兵屠城之難次好謙字益之季即遺山甫生七

月即出繼叔父隴城七月出繼見南冠錄故遺山凡稱德明處不曰

父而曰先人先大夫先東巖君稱隴城處不曰叔父而亦

曰先人先大夫先隴城君

刺史汪公既修遺山先生墓復博求先生遺文於靜樂

故家得舊抄先生詩并此世系略一則今摘出附刊於

此督學使者河閒戈源識

乾隆乙卯冬代州馮百史司務以古愚汪刺史重修遺山先生墓記略來屬賦詩方綱因以舊所輯遺山先生年譜附綴於後汪侯嗜古懷賢不以荒陋見嗤遂付梓

為上下二卷

今依張本併為一卷

并以同人詩依所得前後次第

刊於前卷之後

按原本載汪刺史修墓詩韓城王杰一首獻縣紀昀二首白山法式善三首南

匪吳省欽一首吳省蘭一首靈石何道生一首甯化伊朝棟一首武進趙懷玉一首遂甯張問陶一首靜樂李

鑾宣三首長洲王芑孫一首金谿楊護一首及翁方綱一首共一十八首翁方綱詩今依張本收入集末補載

中餘未錄而此後續詠者行將增刊以志弗諼云嘉慶元年

歲在丙辰春三月朔北平翁方綱識

元遺山先生年譜

讀書山房刻本

烏程施國祁北研編

平定張穆誦風訂

世系

系出

拓拔魏  
姓元氏

遠祖結

唐禮部  
侍郎

曾祖

春

宋忠顯  
校尉

祖

滋善

金銅  
山令

母王氏

母趙氏

生

父德明

東巖  
君

元配張氏

長阿千叔儀

名撫元汝  
州知州

母王氏

好問裕之

子次甯兒叔開

名振元太  
原參佐

父格

隴城  
君

繼配毛氏

季阿中叔綱

名摠元都  
省監印

繼母張氏

案集中有改葬阿辛詩以蚤殤不錄失次

長真

增陳端甫

次嚴 女冠

女三珍阿秀 蚤卒

四叔閑 增習園才

次無名 增舊禮祖

案集中秋蠶詩云阿容阿璋墨滿面殆即長真次嚴之小

名耶又先生長子叔儀及女真女

嚴女珍皆張夫人出叔開叔

綱女叔閑及其次皆毛夫人

年譜

紀年

時事

出處

詩文

章 明昌元年庚戌  
正月丙辰朔改

章 紀三月乙亥初  
設應制及宏詞科

先生一歲  
本集南冠引云生  
七月出繼叔氏隴  
城府君

宗元



宋光宗紹熙元年

明昌二年辛亥

宋光宗紹熙二年

明昌三年壬子

宋光宗紹熙三年

明昌四年癸丑

宋光宗紹熙四年

明昌五年甲寅

宋光宗紹熙五年

明昌六年乙卯

宋甯宗慶元元年

承安元年丙辰十

一月戊戌改元

宋甯宗慶元二年

二歲

三歲

四歲

南冠引云始讀書

五歲過濟南

案濟南行記云從

先君官掖縣常過

濟南乙未秋七月

復一至雜詩云四

十二年彈指過只

疑來處是前生是

也

六歲

七歲

本傳云七歲能詩

古意詩云七歲入

小學郝經墓銘云

太原王湯臣稱為

神童

章紀十一月戊戌南郊大赦

承安二年丁巳

宋甯宗慶元三年

承安三年戊午

宋甯宗慶元四年

承安四年己未

宋甯宗慶元五年

承安五年庚申十

二月癸未朔詔改

明年元

宋甯宗慶元六年

泰和元年辛酉

宋甯宗嘉泰元年

泰和二年壬戌

宋甯宗嘉泰二年

泰和三年癸亥

宋甯宗嘉泰三年

泰和四年甲子  
宋甯宗嘉泰四年

八歲  
南冠引云學作詩  
九歲

十歲

十一歲

墓銘云從叔父官  
冀州學士路宣叔  
教之為文

十二歲

十三歲

十四歲

本傳云從陵川郝  
晉卿學墓銘云其  
叔父為陵川令從

先大父學

素是年先生本生  
父東巖君卒詳附  
錄本傳箋

十五歲

古意詩云十五學

泰和五年乙丑  
宋甯宗開禧元年

泰和六年丙寅

宋甯宗開禧二年

蒙古太祖鐵木真  
元年

泰和七年丁卯

宋甯宗開禧三年

蒙古太祖二年

泰和八年戊辰  
宋甯宗嘉定元年

章紀十一月丙辰  
章宗崩衛紹王即

十九歲  
蝶戀花詞題序云

時文續夷堅志載  
陵川瑞花云先人  
宰陵州予年始十

五  
案陵川西溪圖詩  
注云先君子宴游  
西溪僕以童子侍

即此時事

十六歲

新樂府摸魚兒詞  
題序云乙丑赴試

并州

十七歲

十八歲

忻州天慶觀記云  
年十八乃一歸南  
冠引云十八先府  
君教之為政

鴈邱詞

蝶戀花詞

蒙古太祖三年 位

戊辰長安中作

衛紹王 大安元年己巳 正月壬戌改元

宋甯宗嘉定二年 蒙古太祖四年

大安二年庚午 宋甯宗嘉定三年 蒙古太祖五年

大安三年辛未 宋甯宗嘉定四年

衛紀四月元太祖 來征元史太祖紀

二十二歲 案蒙求序云年二

二十歲 古意云二十學業 成兩山行記云二 十許時自燕都試 與客登南樓送秦 中諸人引云二十 許時以秋試留長 安中案示程孫詩 云生女四十年知 有為父樂詩為戊 申作長女生于是 年 二十一歲 南冠引云庚午隴 城府君卒官扶護 還鄉里余年二十 有一續夷堅志好 問年二十一侍先 君官隴城先人疽 發于費用是捐館



人時三月三日

谷約在是年

貞祐三年乙亥

宣紀五月庚申中

二十六歲

楊振碑

宋甯宗嘉定八年

都城

蒙古太祖十年

貞祐四年丙子

宋甯宗嘉定九年

蒙古太祖十一年

二十七歲

虞坂行注云夏五月將南渡河道出

虞坂故物譜云奉

大夫夫人南渡河寓

居三鄉十月避兵

女几之三潭孫伯

英墓銘云自太原

南渡過伯英家登

壽樂堂飲酒賦詩

二十八歲

錦機引云閑居汜

南閑閑真贊云以

詩文見趙秉文

二十九歲

虞坂行 箕山

元魯縣琴臺 女

几山避兵送李長

源 雪後招王贊

飲 市隱齋記

論詩三十首 步

虛詞 八月并州

鴈 錦機引

興定元年丁丑

九月壬午改元

宋甯宗嘉定十年

蒙古太祖十二年

興定二年戊寅

宋甯宗嘉定十一

年

蒙古太祖十三年

興定三年己卯  
宋甯宗嘉定十二

年  
蒙古太祖十四年

興定四年庚辰  
宋甯宗嘉定十三

年  
蒙古太祖十五年

興定五年辛巳  
宋甯宗嘉定十四

年  
蒙古太祖十六年

三十歲  
孝女銘云三女阿  
秀生于登封

薛明府去思口號  
登封令薛明府去  
思頌

三十一歲  
中州王渥詩注云  
六月望與雷希顏  
李獻能同游玉華  
谷

西園 玉華谷分  
韻得軍華二字  
還會善寺卽事  
太原貢士題名引  
玉華谷月夕醉飲  
少姨廟得古仙人  
詞二闕

宣紀三月己亥省

三十二歲  
本傳云中第墓銘

聞希顏得英府記  
室探花詞送

試經義進士考官

云登第不就選

欽叔內翰 家山

於常額外多放喬

其同年如劉過李

歸夢圖 留別仲

松等十餘人李復

國維趙端卿史元

澤

亨傳三月廷試進

李欽若欽用康瑋

士復亨監試進士

敬鉉張夢祥董德

盧元謬誤濫放及

卿盧元王元禮郭

第讀卷官禮部尙

邦彥田錫趙璧焦

書趙秉文翰林待

茂才田獻臣蘇邁

制崔禧歸德治中

共十八人詳附錄

時戡應奉翰林文

史本傳箋

官降職復亨當奪  
兩官

元光元年壬午  
八月己卯改元  
宋甯宗嘉定十五

年  
蒙古太祖十七年

元光二年癸未  
宋甯宗嘉定十六

年  
蒙古太祖十八年

哀  
正大元年甲申

正月戊戌朔改

宗元

宋甯宗嘉定十七

年  
蒙古太祖十九年

三十三歲  
中州辛愿傳云與  
李欽叔在孟津

三十四歲

中州馮璧詩序云  
春秋二仲月與馮

叔獻雷希顏游歷  
崧少諸藍葉縣中

岳廟記云夏過昆  
陽常君墓銘云過

鄆城

三十五歲  
夾灘詩注云春在

孟州閑閑贊云諸  
公貢某詞科趙楊

雷薦引十七章露  
布注云五月應詞

科叢書記云相國  
寺買書

隱亭 度太白嶺

葉縣雨中 少林

中岳廟記

藥局記

送希顏赴召西臺

孟州夾灘 帝城

野菊二首 上左

丞詩 卽事免從

軍 章宗鐵券行引  
秦王擒寶建德降  
王世充露布 擬



正大二年乙酉  
宋理宗寶慶元年  
蒙古太祖二十年

正大三年丙戌  
宋理宗寶慶二年  
蒙古太祖二十一年

三十六歲

吏部掾屬題名記

云儒林郎權國史

院編修官警巡記

同出京詩注史院

得告歸崧山侍下

杜詩引云夏自京

師還居崧山劉景

元墓銘云夏自京

師來哭其墓

三十七歲

新樂府滿江紅云

春在方城良佐鏡

銘云四月過汜南

續夷堅志王叟陰

賀登寶位表  
立東宮詔  
擬除  
樞密使制  
擬御  
史大夫讓樞密使  
表  
擬除司農卿  
制  
蝶戀花詞南京作

出京  
六月十一

日雨  
芳華怨

又怨  
吏部題名記  
警

巡廨署記  
杜詩

學引  
劉景元墓

銘  
清涼相塔銘

出山  
鎮平縣齋

書懷  
又覓酒

又寄家  
除夜

良佐鏡銘  
南陽

廨署上梁文

方城作滿江紅

一

正大四年丁亥

宋理宗寶慶三年

蒙古太祖二十二年

年

正大五年戊子

宋理宗紹定元年

蒙古皇子拖雷監

國戊子年

元史太祖紀二十二年六月夏主李

覲降

常過其家

案除夜詩有云折腰真有陶潛興又

云三十七年今日

過是年知為鎮平

令至感懷云四十

頭顱半白生乃舉

成數耳

三十八歲

長慶泉新廟記云

為內鄉令

三十九歲

正月晦日內鄉西

城游眺紀夢注云

七月二十四日內

鄉往盧氏宿走馬

平行齋賦云十月

長壽新居成

築是年先生大夫

人張氏卒詳附錄

詞

宿菊潭 半山亭

招仲梁飲 內鄉

縣齋書事

墳雲墓銘

行齋賦 新齋賦

長壽山居元夕

楊內相挽章 長

壽新居三首 西

城游眺 紀夢

雜詩 觀浙江漲

阻雨草堂賦大雨

謝免從事之辟

鄧相命賦喜雨

浙江上作聲聲慢

詞

墓銘箋

詞

詞

正大六年己丑

宋理宗紹定二年

蒙古太宗窩闊台

元年

正大七年庚寅

宋理宗紹定三年

蒙古太宗二年

正大八年辛卯

宋理宗紹定四年

蒙古太宗三年

四十歲

東坡詩雅云在內

鄉阿千始生詩云

四十舉兒子

四十一歲

竹林記云四月予

閑居空空

范寬秦川圖 阿

千始生

長慶泉新廟記

東坡詩雅引

竹林禪院記 孫

伯英墓銘

四十二歲

鄧州新倉記云四

月官南陽令宛正

歎注云七月按秦

陽陂田希顏銘云

八月二十五日與

王仲澤哭于戴樓

門外中州李汾傳

秋遇予襄城孝女

銘其母張病歿

案新樂府離南陽

後三奠子詞有閑

衾孤枕語又寄李

欽叔洞仙歌詞有

無復求凰語皆見

悼亡之意先生是

出鄧州

京居 希顏挽詩

岐陽 送高信卿

鄧州新倉記 華

嚴寂大士銘 南

陽縣令題名記

希顏墓銘 贊皇

太君銘

離南陽後作三奠

子詞

子詞

子詞

子詞

子詞

子詞

子詞

寶山三三三會施

天興元年壬辰  
正月庚子改元  
開興四月甲子  
改元天興  
宋理宗紹定五年  
蒙古太宗四年

哀紀三月壬寅元  
兵攻汴城四月丁  
巳遣戶部楊居仁  
乞和丁卯汴京解  
嚴六月庚申塞四  
門以便守禦七月  
甲申飛虎軍殺北  
使唐慶和議遂絕  
十二月丙子朔事  
勢危急甲申詔議  
親出庚子上發南  
京辛丑以白撒言

四十三歲  
移居詩云壬辰困  
重圍阿秀銘云三  
月朔三女秀卒自  
撤傳云三月不自  
安命省令史好問  
撰乞休表合喜傳  
云四月元兵罷攻  
呼省令史好問入  
賀歸德碑云壬辰  
七月承乏左曹都  
事良佐碑云官東

時母妻並歿尚未  
續昏長女已嫁次  
女入道所挈以赴  
召入京者惟叔儀  
與阿秀耳至懷秋  
林詩云西南遙望  
腸堪斷等句想困  
守汴梁不能忘情  
于內鄉者殆以謚  
之兄一飛姪及次  
女嚴輩尚在彼邪

送浩然師文舉  
相過十二月車  
駕東狩後即事  
鎮南節度良佐碑  
闕闕公銘商平  
叔銘族祖處士  
銘孝女阿秀銘  
團城有懷浙江別  
業作玉漏遲詞



及諸宗室男女五百餘人至青城皆北遷  
及于難甲午兩宮

日崔立舉兵入尚書省搽皆四竄  
匡民家李仲華圖詩注云癸巳正月  
之變逆黨有謀害己者賴仲華力為  
營護得釋錄太梁事云次日立詣軍  
前歸附令官吏庶皆削髮為北朝  
民以省令史元好問為左右司員外  
郎蒲察琦傳崔立變後令改易巾髻  
謂好問曰今日易巾髻在京人皆可  
琦獨不可崔立碑事云立自負救一  
城生靈功謂左司員外郎元好問曰  
汝等何時立一碑書我反狀歟日執  
政召予同麻信之入省見首領官元

聶元吉墓銘  
孝女墓銘  
書令耶律公書  
奇中

裕之曰鄭王救百  
 萬生靈功德誠可  
 嘉在京官吏父老  
 欲為立碑屬之二  
 君其毋讓又數日  
 被督促即為草定  
 付裕之又二日辛  
 執來召赴省途中  
 遇裕之騎馬索參  
 因劫以行會飲焉  
 政幕中王丈在焉  
 日入告歸裕之曰  
 省門已鎖今夕當  
 宿省中燭至裕之  
 曰鄭王碑文今夕  
 可畢手也又裕之  
 落筆草其事王丈  
 曰此文姑使裕之  
 作以為君作何妨  
 予曰裕之作數語  
 其銘詞存予數語  
 碑序全裕之作也  
 裕之促曹益甫書  
 之即于燭前焚其

藁  
 嗚呼先生此時俯  
 仰隨人不能奮身  
 一決遂至汗偽職  
 納降款剃髮改巾  
 甚而碑序功德幸  
 門一聞他日臨川  
 東澗輩得以藉口  
 而先生究非其倫  
 也此生不辰尙何  
 言哉名職之累人  
 不敢為先生諱  
 本集四月二十二  
 日寄耶律書二十  
 九日出京五月三  
 日北渡移居詩云  
 明年出青城  
 案汴京既下居民  
 四出名族皆自拔  
 歸先生眷屬不獨  
 早為耶律理索而  
 已緣毛夫人家與  
 蒙古滿城帥有連  
 先生與之為宗盟



天興三年甲午  
宋理宗端平元年  
蒙古太宗六年

乙未  
宋理宗端平二年  
蒙古太宗七年

哀紀正月己酉帝  
自縊金叀崔立傳  
六月李伯淵刺立  
墜馬死

之僚壻其家必為  
萬戶張柔所扶護  
而出且柔之獨取  
亾金實錄亦當陰  
受先生指雖事不  
概見皆無可疑者  
若先生則自就拘  
管同赴聊城矣

四十五歲  
清真記云自大梁  
拘管聊城南冠引  
云拘管聊城予年  
四十有五寶章詩  
注三月寓聊城至  
覺寺移居詩云去  
年住佛屋

四十六歲  
濟南序云春三月  
送李輔之濟南行  
記云七月過濟南

聊城寒食 贈周  
長老寶章小集  
紀子正杏園續  
陽平十愛徐威  
卿相過 卽事  
望王李歸程 秋  
夜喜彥深過聊  
城除夕 銘清  
五翼總領 叢書後  
真觀記 跋名公書  
記

正月九日立春  
移居八首 杏花  
落後 三仙祠  
歷下亭 舜泉

寶山三三三

遺山先生詩

丙申  
宋理宗端平三年  
蒙古太宗八年

丁酉  
宋理宗嘉熙元年  
蒙古太宗九年

四十七歲	東游略記云三月	游泰山中州韓玉	傳云夏居冠氏東	坡引云九月寓陽	平	四十八歲	續夷堅志云春何	道士來陽平謁予	興禱記云秋見淨	文于山陽昭禪師	引云八月自大名	還太原遽然子銘	云冬復來冠氏
------	---------	---------	---------	---------	---	------	---------	---------	---------	---------	---------	---------	--------

華不注山繡江	有懷濟南雜詩	十首題解飛卿	卷首追錄幸縣夢	中所得煥然生	子戲題新居	紫虛大師碑代	冠氏廟學記濟	南行記送李輔	之序	游泰山龍泉寺	登珂山寺贈馮	內翰	東游略記故物	譜東坡樂府引	游黃華山野谷	道中太原郝經	家南寺贈郝經	十二月十六日還	冠氏	范文正真贊興	福禪院記昭禪	師引
--------	--------	--------	---------	--------	-------	--------	--------	--------	----	--------	--------	----	--------	--------	--------	--------	--------	---------	----	--------	--------	----

天興三年甲午  
宋理宗端平元年  
蒙古太宗六年

哀紀正月己酉帝  
自縊金叻崔立傳  
六月李伯淵刺立  
墜馬死

乙未  
宋理宗端平二年  
蒙古太宗七年

之僚壻其家必為  
萬戶張柔所扶護  
而出且柔之獨取  
叻金實錄亦當陰  
受先生指雖事不  
概見皆無可疑者  
若先生則自就拘  
管同赴聊城矣

四十五歲  
清真記云自大梁  
拘管聊城南冠引  
云拘管聊城予年  
四十有五寶章詩  
注三月寓聊城至  
覺寺移居詩云去  
年住佛屋

四十六歲  
濟南序云春三月  
送李輔之濟南行  
記云七月過濟南

聊城寒食 贈周  
良老 寶章 小集  
紀子正杏園 續  
陽平十愛 徐威  
卿相過 卽事  
望王李歸程 秋  
夜喜彥深過聊  
城除夕

五翼總領銘 清  
真觀記 叢書 後  
記 跋名公書

正月九日立春  
移居八首 杏花  
落後 三仙祠  
歷下亭 舜泉

寶山三三五書施

丙申  
宋理宗端平三年  
蒙古太宗八年

丁酉  
宋理宗嘉熙元年  
蒙古太宗九年

四十七歲

東游略記云三月

游泰山中州韓玉

傳云夏居冠氏東

坡引云九月寓陽

平

四十八歲

續夷堅志云春何

道士來陽平謁予

興禱記云秋見淨

文于山陽昭禪師

引云八月自大名

華不注山繡江	有懷濟南雜詩	十首題解飛卿	卷首追錄莘縣夢	中所得戲題新居	紫虛大師碑代	冠氏廟學記濟	南行記送李輔	之序	游泰山龍泉寺	登珂山寺贈馮	內翰	東游略記故物	譜東坡樂府引	游黃華山野谷	道中太原郝經	家南寺贈郝經	十二月十六日還	冠氏	范文正真贊興	福禪院記昭禪	師引
--------	--------	--------	---------	---------	--------	--------	--------	----	--------	--------	----	--------	--------	--------	--------	--------	---------	----	--------	--------	----

云冬復來冠氏銘

戊戌  
宋理宗嘉熙二年  
蒙古太宗十年

己亥  
宋理宗嘉熙三年  
蒙古太宗十一年

庚子  
宋理宗嘉熙四年

四十九歲  
傷寒引云夏將通  
太原范師真贊云  
夏過東平留宿正  
乙宮通仙記云秋  
客濟上別冠氏詩  
云八月二日題學  
易帖後云八月六  
日入濟源詩云八  
月二十二日十月  
詩云在山陽

雨夜再到新街  
別李周卿入濟源  
氏諸人十月山陽  
寓舍太乙蓮舟  
夜雨游天壇十三  
圖游范師真詩  
首范師真詩通  
冠氏先壁碑會要  
仙記傷寒會要  
引范師真贊  
題學易帖後

五十歲  
元日詩云五十未  
全老野史才張本  
老人星贊云正月  
過濟濱祠燕子圖  
序云秋七月于宋  
文通家得傳本看  
月詩云十一月十  
三日讀書山雪晴  
夜半

元日發濟源  
初挈家還讀書山  
又雪中雜花七  
首倪莊中秋  
送楊次公九日  
讀書山十首東  
龕看月明日作  
老人星贊  
濟源杏花清平樂  
詞

五十一歲  
中州滕茂實傳云  
南庵賦杏花二首  
三月十日作七

書山七十三首施

十一

蒙古太宗十一年

春自山東還鄉里

月十六日送馮揚

辛丑  
宋理宗痛祐元年  
蒙古太宗十三年

五十二歲  
故帥表云元日飲  
于家之養素園張  
公先德碑云居順  
天

善  
東平行臺碑內  
翰馮公銘千戶  
趙侯碑蓮然子  
碣銘  
代州南樓二首  
答公茂  
故帥閻侯表郝  
先生銘范陽先  
德碑忠武任君  
銘

壬寅  
宋理宗清祐二年  
蒙古太后乃馬真  
稱制元年

五十三歲  
晨起詩注云時欲  
經營神山別業感  
興注云夜宿讀書  
山作集驗方引云  
冬閑居州里

晨起正月九日  
感興都運哀挽  
跋紫微山水四首  
寄庵牌夾谷銘  
郭明府牌惠遠  
外門記集驗方  
引

癸卯  
宋理宗清祐三年  
蒙古乃馬真二年

五十四歲  
杏花詩注云二月  
居讀書山病中注  
云四月二十一日

杏花病中宿  
中霍道院水簾  
記異洪谷聖燈  
黃花峪十首贊

甲辰  
宋理宗淳祐四年  
蒙古乃馬真三年

晨起臨錦記云八  
月觸于燕之臨錦  
堂趙州記云八月  
過慶源中霍詩注  
云八月望日水簾  
詩注云九月四日  
洪谷詩注云九月  
五日張公表云九  
月客燕中答大用  
書云從來使到燕  
中通元碑云冬自  
燕中還太原道出  
范陽太古銘云冬  
過慶源館太古堂  
自燕都南歸徵君  
表云冬自新興枉  
道過宏州

嚴紀行  
曹丈子玉  
宏州贈  
二首別文兄  
通奉趙公碑武  
廟署令銘碑  
堂記張公州學記  
朝列張公碑內  
翰王公表龍山  
新坐碑輔國康  
公碑通元大帥  
碑太古銘觀記  
祭先妣文  
中令

五十五歲  
壽陽學記云春歸  
自燕雲道壽陽兩  
山行記云夏五月  
至鄆縣游兩山黃  
葵詩序云秋在洛  
山庵別陳丈  
桐川

黃山志卷之三

三

漢山方志卷之三

陽吳君阡表郭君墓表云冬過洛西

與仁卿飲壽陽學記天池

顯武吳君表廣

記雨狀兩山行

五十六歲

威郭君表舊國為

與白兄書云往河

感事人作詩過三

南舉母夫人旅殯

鄉懷揆南詩老

題名記云秋游嶧

黃葵花望熊耳

山祠祭酒碑云冬

嶺雲巖九月

過大名雲巖詩序

阜紀行十首

云十一月來東平

吏部張公碑無

過張聖與家聖像

競題名記祭酒

廟贊云十二月拜林

馮公碑紫微觀

一三

乙巳  
宋理宗淳祐五年  
蒙古乃馬真四年

丙午  
宋理宗淳祐六年  
蒙古定宗貴由赤  
元年

陽吳君阡表郭君墓表云冬過洛西

顯武吳君表廣

五十六歲

與白兄書云往河

南舉母夫人旅殯

題名記云秋游嶧

山祠祭酒碑云冬

過大名雲巖詩序

云十一月來東平

過張聖與家聖像

廟贊云十二月拜林

與仁卿飲壽陽學記天池

記雨狀兩山行

威郭君表舊國為

感事人作詩過三

鄉懷揆南詩老

黃葵花望熊耳

嶺雲巖九月

阜紀行十首

吏部張公碑無

競題名記祭酒

馮公碑紫微觀

一三



丁未  
宋理宗淳祐七年  
蒙古定宗二年

戊申

宋理宗淳祐八年  
蒙古后海迷失稱  
制元年

己酉

宋理宗淳祐九年  
蒙古海迷失二年

庚戌  
宋理宗淳祐十年

五十八歲  
藏雲表云春居忻  
州寒食詩云歸自  
三泉圓明表云夏  
居新興  
寒食酬李邦彥  
送邦彥北行哭  
曹子玉西山歸  
隱

五十九歲  
示程孫詩云過南  
宮司農表云九月  
過甯晉  
程孫詩  
樞判書  
曹徵君表與白  
墓表藏雲墓表  
朝元觀記圓明

六十歲  
后嶺關詩云四月  
十四日小序云  
八月居鎮州信武  
肝表云九月來燕  
都中州後序云秋  
始刻毛氏跋云冬  
自燕還木庵序云  
十月將歸太原  
度后嶺關  
真營建疏司農  
墓表

嘉議王公碑恆  
州馬君牌信武  
曹君表真定學  
記三皇堂記  
小序集序木庵  
集序孔道輔笏  
銘毛氏家訓跋

六十一歲  
天慶記云二月自  
自題中州五首  
玉峰哀挽涌金

蒙古海迷失三年

辛亥

宋理宗淳祐十一

年蒙古憲宗蒙哥元

壬子

宋理宗淳祐十二

年蒙古憲宗二年

邊山先生年譜

張德輝行狀云王  
子公與元好問北  
觀世祖于潛邸奉  
啟請世祖為儒教  
之大宗師王悅而受

鎮州還忻州蒙求  
序云五月過鎮陽  
營建記云七月過  
順天家廟文云八  
月為四女擇壻

六十二歲

赤壁賦後云五月

來太原宿大悲僧

舍常君銘云九月

自太原東來鄆城

續夷堅志云冬游

院順天抱龍巖寶教

六十三歲

送高雄飛序云七

月廿七日入都東

平碑云十月居鎮

陽千秋錄記云十

月自真定來東原

贈詩云遇蕭漢傑  
于東原阿平詩云  
客須城

亭詩  
天慶尊師表  
天營建記友山  
亭記蒙求序  
陶然集序

寒食 九月末見

菊 常仲明挽詞

真定常君銘善

人白公表順天

第二碑 天慶功

德記 祭家廟文

題閑閑 赤壁賦後

寒食 月夕 賀

中庸老 游承天

寺懸泉 贈蕭漢

傑 張聖與子制

名 東平祠堂碑 蘇

彥遠銘 通奉張

表 南峰先生銘  
丞相劉氏先塋碑

癸丑  
宋理宗寶祐元年  
蒙古憲宗三年

甲寅  
宋理宗寶祐二年  
蒙古憲宗四年

六十四歲  
致樂堂記云夏以  
事來燕都黃華碑  
云六月容燕中宣  
武碑云冬以行臺  
召東來

六十五歲  
故關道中詩云正  
月秋澗口誨云二  
月自沐北歸蒼聰  
上人書云四月末  
自太原來鎮州嵩  
和尙序云七月自  
清涼還太原寄詩  
云十二月出鎮陽

送高雄飛序 賈  
氏千秋記 北  
上陵川西溪圖 與  
敬鼎臣同宿順天  
僧舍  
王黃華碑 宣武  
孫君碑 致樂堂  
記 靈泉 燕集序  
鳩水集 引 商氏  
千秋錄 跋 閑 師  
詩後跋 劉尊  
山水 跋 閑 草  
書 又 和 韋詩後  
故關三首 臺山  
雜詠十六首 九

二月四日寄宰魯  
伯和尙頌序 新  
鬻和尙頌序 張仲  
軒樂府引 跋 蘇父  
經集序 跋 蘇父  
子墨集 跋 聰上  
人書

乙卯  
宋理宗寶祐三年  
蒙古憲宗五年

丙辰  
宋理宗寶祐四年  
蒙古憲宗六年

丁巳  
宋理宗寶祐五年  
蒙古憲宗七年

六十六歲  
壽聖記云夏來燕  
城畢侯碑云八月  
自鎮陽來十一月  
往鎮州

六十七歲  
游龍泉詩云九月  
二十六日廉訪碑  
云十月居西山鹿  
泉

六十八歲  
杏花詩云二月二  
日居張邨壽家記  
云七月將西歸郝  
氏墓銘云秋九月  
卒于獲鹿寓舍馬  
昇歸葬秀容縣繫  
舟山下

二月廿一日歸自  
汴梁偶記內鄉一  
詩梁端四日感懷  
鎮州劉時舉節  
制雲南  
濮州畢侯碑東  
平學記 壽聖禪  
院記 陸氏通鑑  
詳節序

龍泉 贈司天王  
子正  
廉訪使楊公碑  
中順張君碑 題  
許汾陽詩後 跋  
東坡和詩後

杏花  
告山師塔銘 東  
阿邨賢記 吳辯  
夫壽家記 如庵  
詩文序 琴辨引

遺山先生親見國人所欠惟一死耳始讀此集輒擬論著

特不敢以後學妄議前賢久之次為年譜知其必不死者

冬狩詩云何時爭得攜家去萬里秋風一釣船圍城云明年也作江鷗去水宿雲飛共一天仲華云若非脫兔投林

了何處而固自有在誠以國史存一也知交淪歿二也

今更有詩

且才名一世自處不碌碌避兵詩云世故驅人真有力天工困我豈無心第不見

知于君上簿書佐領滯于常調出山詩云少日漫思為世用中年直欲伴僧閒自

楊趙密公故後朋好皆散之四方存沒不可知其在上者

努申阿不白撒合喜輩庸姦誤國不堪共事圍城中無一

知已在逮崔立變起手無大柄反以虛聲屢招實禍抑遯

悶極矣北渡之後才名照耀無出其右一時推為碩果仰

為宗工又蒙古貴臣如耶律楚材為故交張柔為僚壻嚴  
實史天澤趙受之趙天錫等為新知皆愛才下士咸交書

幣四方碑版爭趨其門而先生聲光雖振貧困自如道中云已

被吳中喚僮父卻來河朔作炎兒與鄧人云題詩未要題  
名字今是中原一布衣新衛云空餘姓氏喧時輩不救飢

寒趨周旋之間不過商訂金石評論詩文而已無他望也

所致意者惟私錄之赴舍風雅之散亾惓惓於流離遷徙

之中寓訪逸徵聞之意庶幾野史亭中成此一編一集冀

以盡忠本朝補救于萬一其力良勤其心良苦其志亦良

可悲已是譜止据詩文大略可攷者按年載入不敢曲加

附會比年歎中凌次仲氏亦有此作惜僅見其目無由參

訂噫推波助瀾得諸同好增華踵事望諸後來我其爲嚆  
矢乎爲濫觴乎

全謝山論甘露碑事以先生在圍城何不早去此手豈可  
使著賊不知遺山重名與張正倫等爲崔立探望授官轅  
駒促縮何處可逃趙雲松論先生云事有干涉與崔立情  
分素孰夫反狀一語明挾威制刀鋸滿前情分安在謝山  
又以碑文中先太師先東平之稱爲降辱大抵因朝臣所  
諱係後人所改雲松作詩又有國家不幸詩家幸一語人  
生至於零落栖遲呼天搶地悲憤從血性中流出恐無此  
心要之先生有志恨之辭

移居詩云空悲龍髯絕永負魚  
腹葬置錐良有餘終身志懲創

有解嘲之句題真詩云幽澗有冰含太古無人和王試自洪鑪山林且慢蹉跎去莫問人間第幾流自

悲身世已不願為第一流人品量自定矣至其晚年見元

世祖于潛邸卒以終身不仕比之集中諸人如陳時可楊

正卿徐世隆李輔之王萬慶李台王鶚輩有間矣區區碑

事乃先生之不幸也何足以累先生哉因全趙二論附辨

于此

先生師友游從中其年齒有可攷者党懷英長五十王黃

華三十皆不及見賈益謙長四十許道真三十蕭真卿三

二趙閑閑王德新三十郝天挺秦簡夫二十馮叔獻二十

楊之美二十曹子玉十七王從之十六馮延登李俊民四



歲 李屏山 十三歲 常仲明 十二歲 張特立 趙濟甫 十一歲 李仁卿

孫伯英 趙端卿 十歲 魏邦彥 劉雲卿 程威卿 九歲 麻知幾 七歲 雷

希顏 康伯祿 六歲 劉景元 王仲澤 商平叔 楊煥然 四歲 秦彥容

二歲 王元卿 一歲 田紫芝 少一歲 李長源 李欽叔 冀京父 二歲 王

元禮 李欽用 五歲 張仲經 六歲 房希白 八歲 王元粹 十二歲 劉京叔

十三歲 王飛伯 十四歲 郝伯常 二十歲 至劉靜修 少五歲 吳草廬

同亦不及見志之略見當時行輩 行中止書字號不列名取易曉也

元遺山先生年譜終